

վարտակ , և պատուէր առ քաղաքապետն և առ դատաւորն
երուսաղէմի , վախճան տալ բռնութեանց Լատինաց , պաշտ-
պան կալ Պատրիարքին և միաբանաց և ազգին Հայոց , հաս-
տատուն պահել զնոսա 'ի սեփականութեան և 'ի սովորու-
թեան իւրեանց , \bullet\text{Կ}\text{Լ} (1618) :

Ի սմին ժամանակի Գրիգոր Պարոն Տէր խնդրեաց հրա-
ման 'ի դատաւորէն երուսաղէմի 'ի ձեռն Աստուածատուր
Թարգմանին իւրոյ՝ սակս նորոգութեան որմոց և սենեկաց
Ս . Փրկչի , եւ յետ քննութեան 'ի ձեռն ճարտարապետի
քաղաքին և այլոց , հրամայեաց չինել , և նորա սկիզբն ա-
րարեալ նորոգեաց զաւերեալ տեղիսն . \bullet\text{Կ}\text{Լ} (1618) :

Լատին կղերք 'ի լուութեան իւրեանց , երկնէին չարիս
'ի միտս , որ և ծնան իսկ յետ ոչ բազում աւուրց , և յա-
րուցին վէճս և հակառակութիւնս անդամանելիս , զի իբ-
րեւ տեսին թէ՛ ոչ կարացին յաղթահարել զՀայս 'ի խնդի-
րոս Պատանատեղւոյն , և 'ի սոյն միջոցի կամեցան լուծա-
նել զվրէժ նորին , և իսպառ նկուռն առնել զնոսա : Հայք
կատարէին զհոգեւոր պաշտօնս իւրեանց յայրին Յննդեան
Քրիստոսի , 'ի տեղին Մսուր կոչեցեալ , Լատինք փորձ
փորձեցին վանել անտի զՀայս , այլ ոչ կարացին հասանիլ
ցանկութեան իւրեանց , որպէս գրեցաք յառաջագոյն , և
'ի սոյն աւուրս դարձեալ նորոգեցին զվէճն , և յայս նը-
ւագ իսպառ արգելին զնոսա անտի՝ խափանելով նաեւ ըզ-
պատարագն : Լուեալ զայս Գրիգորի՝ չօքաւ առ դատա-
ւորն՝ եւ խնդրեաց 'ի նմանէ կոչել զփոխանորդն Լատի-
նաց , որում անունն էր Պաթիշթայ , և առաջի նորա ասէ՝
Հայք սովորութիւն ունէին 'ի վաղ ժամանակաց անտի
մտանել յեկեղեցին Բեթղէհէմի , կատարել զհոգեւոր
պաշտօնս՝ աղօթել եւ պատարագել յԱյրին Յննդեան ,
լուցանել կանթեղս եւ զաշտանակս՝ այլովքն հանդերձ :
Իսկ այժմ՝ փոխանորդն Լատինաց արգել զայս ամենայն ,
եւ 'ի հարցանել դատաւորին ցփոխանորդն Լատինաց , ա-
րար նա պատասխանի՝ և ասէ , ոչ արգելումք զՀայս յեր-
կրպագելոյ և ուխտս մատուցանելոյ 'ի տեղւոջ յայնմիկ ,
այլ արգելումք զՊատարագն և զհոգեւոր պաշտօնս նոցա ,
զի փականք Այրին Յննդեան են 'ի ձեռս Լատինաց , եւ
նոքա լուցանեն զկանթեղս . բաց յերկուց կանթեղացն